

Բ. անգամ ՊԿ. 1908 ին. և նոյն տարին կ'ընտրուի կթղ. ամենայն Հայոց (1908—\* 1910): Վարած է ուսուցչական, քարոզչական և Ազգ. վարչական պաշտօններ: 1881 ին հրատարակած է Հայրապետութիւն Հայաստանեայց Առաքելական Ս. Եկեղեցոյ և Աղքատիւ և Սիւ խորագրով երկասիրութիւնը. 1872 ին և 1883 ին հրատարակուած Ազգ. վարժարանաց բարեկարգութեան հրահանգը ինչպէս նաև Կարողիկոսական Գիտնականոց Տեղեկագիրը իր խմբագրութիւններն են: Իր լիակատար կենսագրութիւնը և իր կրթ. ուղեւորութիւնը Կ. Պոլսի ի Ս. Էջմիածին. տեսնել (Արարս. 1909 և 1910):

ՄԱՏԹԷՆՈՍ ԿԹՂ. ՍՍՈՅ ԿԵՍԱՐԱՅԻ (Սարը). — Մը. Կեսարիոյ Ս. Կարապետ վանքին. ՊԿ. 1692 ին. կթղ. Սոսյ (1694 — 1701). Կաթողիկոսութենէ հրաժարելով Պոլիս կուգայ և 1706 ին Ս. Յակոբի վանքին պատրիարքութիւնը ապօրէն կերպով կը վարէ քանի մը ամիսներ միայն: Մատթէոս կթղ. պաշտպանեալն էր Գաղղիոյ դեսպան Ֆէրիօլին և հակառակորդն Աւետիք պարք. ին: Մատթէոս Սարը՝ իր հակազգային ընթացքին պատճառաւ կը բանտարկուի եւ հաւատուրացութեամբ կ'ազատի գլխատումէ, յետոյ կը փախչի Հռովմ ուր կը վախճանի:

ՄԱՏԹԷՆՈՍ ԿՐՕՆԱԻՈՐ, ԴԱՐԱՆԱՂՅԻ. — Մը. 1192 թուին Գրիգոր Տղայ կաթողիկոսին օրով: Մաշկևոր վանքին մէջ Վարդան վրդ. ի ձեռքով ընդօրինակուած երկաթագիր ծաշոց մը Ս. Հրեշտակապետաց եկեղեցւոյն մէջ քրքրուած վիճակի մէջ տեսնելով՝ Հայոց ՉԿԷ (= 1318) թուականին կը կազմէ զայն քանի մը ուրիշ գրեանց հետ և կը գրէ յիշատակարան մը, որուն սկզբի մասը ջնջուած է, բայց կը հասկցուի թէ ինքը երեք տարիէ ի վեր Երուսաղէմ կը գտնուի, հայրենօք դարձանալի է և կը յիշէ Ս. Հրեշտակապետաց վանքին մէջ գիրքը կազմած ըլլալուն թուականը:

ՄԱՏԹԷՆՈՍ ԿՐՕՆԱԻՈՐ. — Մը. 1551 ին Ս. Յարութեան տաճարին մէջ կ'ընդօրինակէ Ասենաքանութիւն և խորհրդածութիւնք ներսիսի Լաւթրոնացոյ ձեռագիրը (ՄՁ. Թ. 146), և կը գրէ հետեալ յիշատակարանը. «... Արդ՝ այսմ անմահական ըմպելոյ և անգին մարգարտիս և ամենագով աւրինակիս ցանկացաւ և փափաքող եղեալ երջանիկ և շնորհազարգ առաջնորդ սը.